

普曜經



百七十九
鳴六

48069



元祿九年丙子二月日重脩

皇圖玆固 帝潛綴昌

佛日增輝 機含輪常轉

山城州天安寺法金剛院置

法華

普曜經卷第四

西晉三藏法師竺法護譯

鳴

四出觀品第十一

佛告比丘時諸天人勸發菩薩父白淨王寐
夢覩見菩薩出家樂於寂然諸天圍遶又見
剃頭身著袈裟時從夢覺即遣人問太子在
宮不侍者荅曰太子在耳時白淨王入太子
宮今觀太子必當出家所以者何如我於今
所見變應心自念言太子將無欲行遊觀當
勅四衢嚴治道路學調伎樂普令清淨却後
七日太子當出使道平正莫令不淨勿使見
非諸不可意即時受教皆當如法嚴治已竟

懸繒幢蓋兵衆圍遶道從前後於時菩薩出
東城門菩薩威聖之所建立於時諸天化作
老人頭白齒落日冥耳聾短氣呻吟執杖僂
步住於中路菩薩知之故復發問此爲何人
頭白齒落羸瘦乃尔御者荅曰是名老人諸
根已盡形變色衰飲食不化氣力虛微命在
西垂餘壽無幾故曰老矣菩薩即曰是則世
法而有此難一切衆生皆有斯患人命速駛
猶山水流夙夜逝疾難可再還老亦然矣不
亦苦哉一心專精思惟正義御者荅曰不獨
此人遇苦患也天下皆尔俗之常法聖尊父
母親理知識皆致此老咸同是業菩薩時曰

不解句議愚人自大不覺老至自沒塵埃便
可迴還用是五樂不益於事目覩如幻空中
之電還入宮中思惟經典愍念十方宜以法
藥必療治之菩薩後日復欲出遊王勅外吏
嚴治道路去諸不淨菩薩駕乘出南城門復
於中路見疾病人水腹身羸卧于道側氣息
張口命將欲絕菩薩知之故復發問告
曰此爲何人御者荅曰此名病人已至死地
命在須臾骨節欲解餘壽如髮菩薩即曰萬
物無常有身皆苦生皆有此何得免之吾身
不久亦當然矣不亦痛乎有身有苦無身乃
樂即還入宮復於異日報王遊觀王勅外吏

嚴治道路太子駕乘出西城門見一死人著
于牀上家室圍遶舉之出城投淚悲哭椎胸
呼嗟頭面塵垢淚下如雨何為棄我獨逝而
去菩薩知之而復問曰此為何人御者荅曰
此者死人人生有死猶春有冬身死神逝宗
家別離人物一統無生不終菩薩荅曰夫死
痛矣精神劇矣生當有此老病死苦莫不熱
中迫而就之不亦苦乎吾見死者形壞體化
而神不滅是故聖人以身為患而愚者保之
至死無馱吾不能復以死受生往來五道勞
我精神便迴車還思度十方復於異日報王
出遊出北城門見一沙門寂靜安徐淨修梵

行諸根寂定目不妄視威儀禮節不失道法
衣服整齊手執法器菩薩問之此爲何人御
者荅曰此名比丘已棄情欲心意寂然猶如
太山不可傾動難污如空屈伸低仰不失儀
則心如蓮華悉無所著亦如明珠六通清徹
無一蔽礙慈心一切欲度十方菩薩即言善
哉唯是爲快是吾所樂心意寂靜自愍度彼
善業快利成甘露果佛告比丘父王白淨觀
菩薩行見聞如是不慕世榮心如虛空而心
懷怖懍畏之出家宿夜將護高其墻壁深掘
諸塹更立城門開閉之聲聞四十里立諸宿
衛勇猛之士被鎧執杖於四城門皆勅衆兵

勿有遺漏將無太子捨吾出家於其宮裏亦
宿衛之益衆伎人姝女娛樂令太子悅不懷
憂感又其菩薩宿積智德在胎中時威神吉
祥夢中所見功勳大祚十方自然有蓋悉覆
三界逮得安隱開化一切滅諸惡趣於四衢
路有四色鳥變爲一色見諸不淨徑行其上
而不汗足又有大水沆沆盈溢衆生欲度而
不能越心懷恐怖即過度之見無數人皆被
疾病無有醫藥即爲療治無央數病使無諸
疾自見其身坐師子牀天人在上叉十稽首
見在戰鬪降伏怨敵無數諸天在空中侍真
正聖人夢中見此清淨吉祥行正具足天人

聞之心懷悅豫不久成道爲天人尊於是菩
薩則作此念假使我身不見辭王而出家者
便爲不應則時靜夜自出宮堂入王宮殿悉
觀殿堂而無所畏光照遠近王覺見光即時
遣人觀四城門將無出去何故大光明照遠
近侍者來白天尚未曉日亦未出自然光明
照諸牆壁樹木飛鳥鳥身鴈孔雀鴛鴦相和而
鳴方欲向明是光第一柔軟安隱清涼和雅
墻壁樹木永無有影至德於是在彼思惟觀
於四方坐見窻牖時有諸天人即起欲去不
得自在願省其父知之覺起立啓父王勿懷
愁慮勿以遠慮諸天勸助今應出家唯忍過

罪安已護國父王聞之悲泣垂淚而問之曰何
所志願何時能還與吾要誓普施志願吾以
年朽家國無嗣菩薩即時以柔輒辭而啓王
言欲得四願假使聽我逮得自在得是願後
不復出家何謂爲四一者欲得不老二者至
竟無病三者不死四者不別神仙五通雖住
一劫不離於死假使父王與此四願不復出
家王聞重悲此四願者古今無獲誰能蠲除
此四難者子如師子勸助愍哀普度衆生具
足如意所願者得於是菩薩自言宮殿一心
住立無有覩見往來周旋於時父王明日即
起朝會諸釋以是告之太子必出捨國學道

當何施計諸釋荅曰當勤將護所以者何諸
釋部黨衆多無極雖復力强何能獨出時白
淨王勅五百釋勇多力者有方便計使五百
兵普學諸術令大力士住守東城門宿衛菩
薩一一釋者從五百兵一一車乘五百人從
宿衛菩薩四門俱然諸四街路里巷諸門亦
復俱然父王已身與五百釋前後圍遶象馬
車乘住已宮門晝夜不眠時大愛道自告侍
從宿夜然燈燒香勿得眠寐今者離垢不樂
在宮必欲出家悉共遮護勿得使去作諸伎
樂令心樂之堅閉門戶勿令妄開嚴諸繒幡
彫飾牕牖林樹果實悉令目覩假使欲去慕

樂此供或能不出佛告比丘於是即時二十
五鬼神將軍及般闍鬼將軍鬼子母五百子
等悉共集會各各議言今日菩薩棄國捐家
我等咸共侍從供養又四天王一時普告諸
鬼神界今日菩薩棄國捐家汝等慇懃侍從
供養其鬼神衆皆投五兵勢力堅強猶如金
剛不可毀壞精進勇猛將護衆生其身高大
如須彌山將無惡物犯於至德釋梵炎天兜
術天無慢天化自在天各勅官屬無數百千
前後導從華香伎樂香汁灑地侍從菩薩釋
梵天王侍在左右時有天子名曰寂意我當
將護迦維越國一切男女大小勸安和之又

有天子名曰光音即自說言我身當化一切
象馬車乘男女所暢音聲設使不聞令人心
寂靜而無所念復有天子名曰清淨我在虛
空立七寶路懸垂一切日月明珠照曜光
光設繒幡蓋散華燒香嚴治途路侍從菩薩
伊羅末龍王言我當化作三萬八千里交路
之車使諸玉女皆坐其上作衆伎樂侍從菩
薩而供養之天帝釋曰吾將眷屬菩薩前導
法行菩薩曰吾當興起紫磨金雲雨栴檀香
皆遍天下和鄰龍王摩難斯龍王散拘龍王
阿耨達龍王難頤和難龍王各自說言亦當
興起紫磨金雲當雨微妙栴檀名香如是比

立天龍鬼神捷沓和等心常懷願欲得聽省
菩薩正道所思惟法慕樂安隱入於宮內思
念過去諸佛所行愍傷衆生本行道時不捨
四願以至純淑何謂爲四本學道時設成正
覺逮一切智被弘誓鎧衆生困厄救衆惱患
吾當濟脫生老病死三界之縛猗在世俗周
旋衆難使至寂然令無恩愛是第一願衆生
沒在無明杳冥悉無所知愚癡暗昧生穢濁
樹當爲顯示知清淨眼內外無限是第二願
衆生在世立自大幢常計吾我而意貪身尊
已賤彼心存顛倒覩諸邪見無常謂常不慕
聖道墮於三業皆當開化令入正直真是第三

願衆生沒在生死之患輪轉無際滅智慧根
迷惑五趣不能自濟當為說法令得度脫是
為四願吾往古時立是四願今以得之不可
違捨以故出家成就正覺度脫十方余時法
行天子淨居天子來入宮殿自現形像娛樂之
形無常之變住於虛空時為菩薩說此偈言

天子在空歎

覺蓮華寂暘

云何在五欲

大聖當捨家

受我所勸助

當觀於後宮

覩諸迷惑衆

如在死人間

出家品第十二

於時菩薩普觀眷屬視衆妓女皆如木人百

節空中譬言如芭蕉中無有實亂頭猗鼓委檐

服琴更相荷枕臂脚垂地鼻涕目淚口中流
涎琴瑟箏笛樂器縱橫鳩鵲鴛鴦敬言備之輩
皆悉溲昏而卧菩薩遍觀願視其妻具見形
體髮爪腦髓骨齒髑髏皮膚肌肉筋脉肪血
腸肺脾腎肝膽腸胃屎尿涕唾外是革囊中
有臭處無一可竒強熏以香飾以華綵猶假
借當還亦不得久計百年之命卧消其半又
多憂患其樂無幾淫泆敗德令人愚癡非彼
諸佛緣覺真人所稱譽也故曰貪婬致老瞋
恚致病愚癡致死除此三者乃可得道一切
所有皆如幻化三界無怙唯道可恃於是頌曰
見彼興慈愍 歎息發大哀 是世毒痛難

何因樂愛欲

懷憂憐愚冥

欲苦反謂安

捨貪樂智慧

不捨不得安

於是菩薩以斯法門察於後宮興發大哀而
為兩淚心甚愍之癡人有三十二察於衆生
愚者迷惑為此所害生於八難所見惡染猶
如畫瓶毒滿其中愚者不解謂之甘露愚者
惑中駛水漂蒙愚者樂之如飲毒水愚人處
是如犬樂骨愚人墮此如人入煙愚人貪惡
如墨塗衣愚人厄此如鳥墮網愚人見勉如
屠耆畜愚人近此不見來難愚人沒此如老
牛溺泥愚人沒此猶若破船沒於大海愚人
墮此如盲投谷愚不得限如淵無底愚人燬

此劫燒天地愚人迷此如輪無際愚人宛轉
如生盲入山愚馳逸此若狗縛頸愚人消此
冬燒草木愚人日損如月十五日後愚人伏
此如諸小龍遭金翅鳥愚人遭此如摩竭魚
吞於大舟愚人惱此如賈遇賊愚人摧此大
樹被斫愚人憂此如遇毒蛇愚人樂此如蜜
塗刀與小兒舐之愚人惑此火燒枯樹愚人
思此櫻兒弄弄愚人爲此轉如鉤搯象愚人
盡德本如博失財功祚消化愚人見棄如放
逸賈墮於姪鬼是爲三十二事觀於後宮察
諸姝女不淨之想自罵己身坐身患害勿復
貪身莫念是意入於空淨心無所著於是頌曰

從頭觀至足

察之無一淨

勿得貪其身

是為罪福田

以故當遠身

淚涕唾惡露

由此莫戀之

行淨如蓮華

棄若干不淨

興平等調定

以知諸毛孔

如虫不可慕

其身猶如象

骨髓肉血合

筋脉皮裹之

髮毛諸爪齒

有八十種虫

夙夜食其體

若有明智者

終不計有身

佛告比丘菩薩觀身心思若斯諸欲界天住

於虛空皆見菩薩所可思惟法行天子遙白

菩薩言唯然大聖何以稽遲時以到矣於時

菩薩察於後宮見其心意諸根無常知身不

久猶如流水逝而不返欲人所行計有吾我何

有吾我執取深奧無極道因乃爲第一觀正
境界慕樂聖安計吾我者自謂尊貴心無所
猗乃應行道法行天子又復白言不以是行
得成至佛現在行道所修甚難當察己身等
之山谷是則究竟菩薩大士一生補處於時
菩薩所作暢達其心堅任覺意已了思惟心

悅咸來奉事捨衆塵垢永無恭恪其順道訓
念念安隱淡若淨水即從座起心中悅豫觀
察前衆則以右掌披寶交露帳上講堂上义
其十指念十方佛而遙禮之觀虛空中諸天
百千皆來圍遶散華燒香雜香擣香衣服幡
綵手執幢蓋諸供養具曲躬作禮見四天王

鬼神羅刹捷沓起等諸龍王衆皆被鎧申棄
不吉祥淨諸惡行垂珠瓔珞稽首菩薩日月
宮殿諸天子等住其左右各執華香幡綵幢
蓋夜以向半尔時菩薩告車匿曰速起嚴被
白馬今日人尊宜吉祥時應當出去車匿聞
之心懷憂感淚下如雨所行平等光明清淨
猶若師子今若欲行願見告示面色端正如
秋月滿顏貌和悅無有瑕短所覺清淨猶若
蓮華音聲和雅明珠火光衆曜晃昱寶瓔珞
身心如虛空如鹿中王行如鴈王獨步無難
衆皆從之今欲若行於是菩薩復告車匿欲
得白馬宿本所行當致上尊妻子恩愛財寶

重業則是牢獄古來遠之身所不樂唯欲護
戒奉行忍辱修精進力禪定智慧是心所樂
從無央數億百千劫所可奉行志慕成道斷
生死原正惠巍巍開化衆生從是以來不樂
榮祿唯志大道於時車匿聞大聖言初生之
時天帝釋梵上帝自下示現稽首即時波此
王問云何阿夷答曰今是太子一相百福威
神光顯無能逮者若在家者爲轉輪王主四
天下若不樂世棄捐國土作沙門者則成佛
道斷生老死以法教化無有放逸車匿白曰
唯如聖教尔時寧聞五欲樂乎答曰不也從
天尊意造無量行我生愚冥無所識知畜養

鬚髮爲身作患增益罪蓋強忍勤苦菩薩告
曰諸天世人皆持香華現在目前悉來集會
立神足力以用侍吾車匿白曰今此園觀常
生華實若干品鳥相和而鳴其浴池中青蓮
芙蓉蓮華清淨街路平正諸寶樹木修治莊
嚴八行交道寶交露帳夏月快樂遊戲其中
竒巧異樂歌戲相娛悉奉禁戒所言至誠從
太子生常順其意不越其教年旣幼少面色
光澤頭髮正黑能可人意唯當樂此生世如
是何爲捨去於時菩薩復告車匿車匿且止
是欲無常不可久保如是別離猶如川流逝
而不返不可久保是狂惑業猶如空拳欺於

嬰孩羸弱無固猶如泥坯不可恃怙如空中
電須臾已滅又此境界無有真實愚妄之士
以此爲安而見侵欺如水上泡適起便滅處
在顛倒亦如聚沫幻化卧夢五樂無足猶海
吞流渴飲鹹水增其疾患欲之無常唯智能
覺愚人不解猶盲投谷車匿當知欲沒無澤
餓鬼畜生猶不善行失清白品增魔境界怨
結鬪諍憂惱苦患與姪鬼會覺者捨逝明者
遠之達者消之無智習之如雜毒食諸佛所
毀知習聖教於是頌曰

捨如棄惡瘡 刈之如去糞 見斯故興欲
棄捨常快安

告車匿被馬品第十三

於時車匿白菩薩曰雖曉了是不貪世榮尚
可願意慕念瓔珞諸寶文飾濟脫自在不復
觀察名德遠照絲竹衣樹音聲和雅笙篴數
千鼓衆伎樂好施危厄音如哀鸞降如真陀
須曼青蓮及思夷華馨香甘美燒諸名香雜
香塗香甚快微妙飲食餽饌酥蜜石蜜百味
之供云何欲捨五樂之欲是吾所欲猶如天
上常在永安為釋尊位菩薩告曰從無數劫
棄捨此事愛欲之本色聲香味細滑之法數
數徃反天上世間馱樂豪貴為轉輪王千子
七寶遊四天下榮位無常如夢所見處後中

宮姝女之間以用不甘還上諸天及覲術宮
不果吾志故捨彼來況此弊欲而貪之乎今
自察之住在苦惱生死衆難不淨之中所行
無度而有衆患生老病死酷毒恐怖積累功
德每生自責建立法船布施持戒忍辱精進
一心智慧心如金剛已成大舟矣以度生老
病死四瀆之難愍念衆生迷於貪欲欲令永
安不與欲貪使無罪害濟諸有漏將護一切
衆邪異見令得悉度救諸下劣使住彼岸無
生老病死時車匿益悲白菩薩言故當住此
決了進退菩薩告曰聽我決了愍傷衆生欲
度脫故其心堅住如須弥山而不可傾車匿

又問正士云何菩薩答曰強如金剛所行清
淨勤修顯耀假使大棒破壞我頂終不退還
慕於世榮應時諸天在於其宮聞此言教舉
聲歎曰善哉而雨天華第一最上得勝得勝
為衆船師人中之尊心無所著亦無恐懼消
除暗冥塵勞煙種無邪境界其心永安若堅
牢船必度彼岸佛告比丘寂意天子耀淨天
子虛空中住城中男女聞菩薩決疑如是悉
共悅豫歎曰善哉皆自還去于時菩薩見城
中人皆悉眠寐察欲夜半即時起立佛星適
現知時可出勅車匿起被白馬捷陟菩薩適
宣說此言即時四天王聞菩薩教尋時便至

迦維羅衛大城中庭任供養菩薩提頭賴吒
與無數億百千捷沓耆皆被甲冑從東方來
任東方界稽首菩薩鼓衆伎樂在於虛空毗
留勒叉天王與無數億百千鳩丸皆被鎧甲
從南方來任南方界稽首菩薩鼓衆伎樂在
於虛空毗留羅叉天王與無數億百千龍俱
各垂寶瓔從西方來任西方界稽首菩薩毗
沙門天王與無數億百千閼叉手執炎光鬘
珠威耀晃晃身被甲冑從北方來任北方界稽
首菩薩天帝釋梵與無數億百千諸天手執
華香雜香擣香華蓋幢幡來任虛空稽首菩
薩於時車匿聞菩薩言流涕交頰白菩薩曰

唯賢聖子知時識議今夜非時也菩薩告言
今正是時所以是時吾從久遠長夜求願為
諸衆生顯示道路今可樂時當度衆生適得
閑靜於是頌曰

天王住虛空

天帝釋亦然

炎天及兜術

無慢化自在

和輪那斯龍

海龍阿耨達

咸來欲供養

見佛時出故

色界諸天人

修寂常行禪

是等來供養

三界普自歸

開士十方來

等昔以造行

欲見勝出家

隨侍而奉事

無極大功勳

金剛掌住空

被鎧力精進

心堅動海水

日月諸天子

善住其左右

覩寂然出家

叉十指為禮

勸喻諸天子

其大精進興

察衆苦惱法

當演清和音

諸吉皆諧偶

勤恭時以至

吾亦與尊俱

無礙必善住

佛星以出現

已化微妙體

力勢衆住前

皆欲共侍從

菩薩從座起則住空中猶若鷹王城中男女

皆疲極寐身鷹鴛鴦孔雀赤紫東異類衆鳥亦

疲極寐不見衆色象馬騎步諸釋族姓兵仗

宿衛諸師僚屬亦皆淳寐於時梵聲其音柔

輒響若哀鸞夜以至半重告車匿言善哉車

匿急被捷陟敬奉吾身勿復稽留車匿重悲

淚下如雨今人中尊爲欲所至門閉下鑰誰

當開者天帝念知即時開門車匿見之心懽

悅豫乍悲乍喜誰爲我伴當作何計當復如
行於時四神即捧馬足其四部兵勢力難當
嗚呼大王太子已去何以不覺明日俱夷當
復辛苦吉祥微妙今不現矣於時菩薩思其
本宿謂車匿言善哉車匿以被白馬箠篋樂
器俱時而作車匿觀空離垢諸天來無央數
諸菩薩衆而供養之察天帝釋自然開門覩
諸鬼神及阿湏倫真陀羅摩休勒自然門開
車匿聞諸天語即報天言今見菩薩衣毛爲
豎猶如師子體紫金色當將功勳等如江海
此諸天力禪思來久以見勸許即當出去是
其本願所興吉祥施安衆生成已道義於時

其地六反震動面滿如月從空坐起道德名
稱解心清淨天帝毗沙門天王而在前導放淨
光明普照天地滅衆惡趣衆生安隱消諸塵
欲而雨衆華鼓億天樂諸天咨嗟前後道從
有天名最上淨在大聖前叉手自歸舉蓮華
目而啓談言哀度衆生甚爲巍巍本性明真
悉以空虛吾無所樂多所哀念眷屬後宮不
復重聞吉祥之音其無量音今以逝矣不覩
天衆不察最勝不復聞香以消愛欲棄塵勞
山無復衆垢逮得究竟本無宮殿今無欲想
奉行慈心離衆罪蓋無復殃豐懷抱精神一
切具足不慕衆香今日光光身心平等妙如

神仙言說本末在家聖王今弱者強顯真
名稱斷是王種而復亡失無極釋性消大福
祚願令我尊在所至趣離垢無塵愍慈行哀
觀見宮殿妙音以逝不復還入迦維羅衛無
有放逸盡生死原末復坐起經行國中唯詣
佛樹無老病死至甘露道於是菩薩既出家
去爲衆生故又無所行亦無所住不慕姝女
爲得大勝是大福田爲功祚地常行慧藥無
數億劫積累德行布施持戒博學廣聞菩薩
慈行戒禁清淨行無所犯不迷愛欲忍辱仁
和段段解身不以懷恨愍哀衆生精進無懈
無數億劫積集道業祠祀百千恒修禪定心

意寂然消衆塵垢自伏其心慧無罣礙而無
想念其心解脫濟脫億載行慈愍哀以度無
極奉行清淨分別喜護是爲真正天中之天
應奉事之清淨無垢心如明珠擁護恐難天
眼無極厄者受歸病者爲醫醫在諸國土爲大
法王千眼中帝照諸迷惑身意休息興道威
耀捨心怨結勇消衆塵在衆最勝無能逮者
如師子步而無所畏如龍調心降雨以時導
衆如牛以棄怨結如月盛滿光明遠照如日
始出猶如大炬消滅衆冥喻如蓮華不著泥
水德香微妙不動如山導衆瞋恨降伏身魔
欲魔死魔天魔爲大道導師迷失路者說八正

道不久成佛斷生老病死度諸暗冥療衆惡
瘡嗟歎正直真不可限量顏色光澤建立功勳
所嗟歎德令我如佛於是菩薩稍進前行覩
五道神名曰奔識住五道頭帶劔執持弓箭
見菩薩來釋弓投箭解劔退住尋時稽首菩薩
足下白菩薩曰於天之際天王見勅守五道
路不知如之愚不敏達唯告意言菩薩告曰
雖生五道不知所歸無所從來五戒爲人十
善生天慳墮餓鬼餒畜生十惡地獄無五
趣行便歸人本不慕五趣無以五陰三毒六
衰則是泥洹不處生死不住泥洹便不退轉
受菩薩決無所從生靡所不生於諸所生悉

無所生。卿持俗刀五兵宿衛。吾執智慧無極。大劔斷五趣生死。皆至本無無終無始永安。無形奔識心解。逮不退轉無限天神。皆發道心。於是菩薩勇猛捨家。適出城門。迦維羅衛一切群衆。知太子去。各各共談而歡喜悅。俱夷明日從寐起。以遙聞衆言。覺知已去。聽大聲響。即察求之。不見菩薩。宣大音響。菩薩及馬車匿王心感絕。自投於地。舉聲稱怨。嗚呼。一子勸化宮中。大小歡悅。捨無數衆。今爲所到。永絕我望。何所恃怙。四城天下。當何所依。俱夷墮牀。婉轉在地。自搥頭髮。斷身寶瓔。何以痛哉。是我導師。依怙如天。而棄我去。用復

活爲恩愛未久便復別離淚下如雨不能自
勝嗟歎太子顏貌殊妙心淨無垢清如深淵
內外明好莫不敬重訓教真正靡不吉祥咸
共歸命今捨我去爲何所至未曾放逸不爲
馳騁爲天地王執正直道釋其沐浴莊嚴天
服遠逝暴露興立行業不見菩薩無不懷感
國中樹木尋時虧落無諸華實諸清淨地悉
生塵垢無復衆好仁尊所見衆音伎樂柔軟
音響象馬車乘其虛空中莊嚴香瓶華香伎
樂繒綵幢蓋至德已逝悉不復現柔軟至誠
第一難遇俱夷歎息淚下交集人中之尊宿
世積德悉達本末欲度衆生生老病死又彼

大聖修百千德慧不可踰於時車匿夜送菩薩菩薩脫衣寶瓔珞以付車匿持是還國啓白父王及以舍妻吾身棄國不慕世榮不
好天地唯道是本若成正覺復當來還宣是
經典以法相度使心寂淨不慕世榮車匿聞
之淚下如雨稽首作禮人中聖慧願以告我
白馬跪地舐菩薩足車匿白言王及妃問將
大功勳爲何所至當報云何菩薩荅曰是卿
所覩復何所問與車匿辭菩薩悅豫與恩愛
別辯慧無量遂進前行逢兩獵師心自念之
吾以出家不與俗同脫身所服賀鹿皮衣著
之而去車匿取衣及寶瓔珞牽白馬還至遊

觀園園監見之悲喜交集不覩辯才寂然之
故今此車匿取太子衣衆寶瓔珞及白馬還
不當復憂其王聞之與諸群臣眷屬圍遶行
至園觀亦懷悲喜俱夷心望菩薩當還不覩
行來心疑不信菩薩當去聞車匿言菩薩啓
王及舍妻得佛道已乃當相見王覩寶衣車
匿白馬而獨來還不見太子自投墮地嗚呼
阿子明曉經典衆竒異術無不博達今爲所
至棄國萬民車匿說之我子菩薩爲何所遊
誰爲開門其諸天人供養云何車匿白曰唯
王聽之我在常處晏然卧寐城門已閉於時
菩薩以柔軟音告我言車匿疾被白馬城中

萬民時皆眠寐悉不聞語我時悲泣被馬牽
授天帝開門其四天王勅四神捧其馬足諸
天百千天帝釋梵以待送之嚴治道路校飾
莊嚴演大光明散華燒香諸天伎樂同時俱
作涌在虛空諸天圍遶以待送之去是極遠
脫衣寶瓔及白馬遣我還國啓王謝妃必成
佛道乃還相見勿令愁憂於是俱夷聞車匿
言益用悲哀抱白馬頸以哀歎曰太子乘汝
出何以獨來還念前娛樂百種嗟歎懷感歎
言嗚呼痛哉莫不離別勢力堅強顏貌殊妙
在於衆中如月盛滿相好莊嚴威神巍巍須
臾相仰便復別去聖無等倫去何相捨功勳

難量名稱普至咸共奉敬聖住如山伏諸怨
敵音聲柔輒猶如哀鸞過於梵天積功累德
無能喻者遠近嗟歎聖衆神仙莫不悲戀生
憐鞞樹爲第一上口演甘露音聞十方雖在
衆欲無所染著猶如虛空所施清淨柔輒如
乳白毫天中聖體滑澤淳和安隱手足柔
軟嚴好巍巍爪如銅色以德嚴身莫不奉敬
在於宮中伎樂盈音華香飲食不以爲悅心
無增減嗚呼車匿無有仁慈將至所在而獨
來還俱夷一口獨歎菩薩無數千言重歎菩
薩導化一切云何獨去誰復將行出此國土
何故與諸天俱我獨辛苦車匿無狀挑我兩

目今孤盲宜車匿當知一切諸佛決報父母
尚捨親近況我賤室姝女樂乎毒哉恩愛何
一速疾不能久存也須臾聞耳恍惚不現猶
如聚沫思想所縛墮見網雖依人間奄不
知處本曾說是現行不真安須臾間苦多無
量所願使果早成佛道王勸俱夷人生有終
合會有離四時忽變天地日月皆不常存太
子初生天地為動隨行七步口自宣言天上
世間我最為尊當度三界生老病死今至無為
天帝來下稽首供養四王接身置金几上九
龍浴體未生之時豫現瑞應三十有二阿夷
相之若在家者為轉輪王捨家為佛所知博

達力勢無限三界特尊無不稽顙必當成佛
度脫十方來還不久且自寬思勿復愁憂王
雖說是心中隔塞悲哀難言於時車匿見王
俱夷所說辛苦益悲流淚沾襟衣裳諫言善
哉俱夷願聽我言勿得復悲我於中夜見一
城中男女大小悉淳眠寐百福至聖與我談
語欲使被馬適聞其言心中隔塞遙視尊妃
極淳眠寐稱揚大音而舉聲呼速起速起聖
尊欲去天接音聲令沒不聞舉脚踏地拍手
搗鼓無聞聲者今時虛空日月光光無數億
千釋梵四天諸大尊神稽首爲禮義十自歸
供養至尊諸鬼神龍闕義捷沓和魑魅害鬼

其四天王神足勅鬼捧舉馬足散青蓮華芙蓉莖華清淨無垢聖百福相威光巍巍雨諸天華地六反震動華遍佛國但聞天言促促開門門自然開無數億天前後圍遶咸共供養不自覺身忽以過去世護所說兄弟妻子諸天部黨上及天王志好所趣令歸佛道不念衆惡默然不言以能咨歎菩薩大德捷陟有力施暢音聲天護輒響捷陟負載世之大聖速疾勿動無有恐怖惡趣之難世護乘汝一心懼喜捨畜生身不毀導師導師光明爲一切故汝必得度勿得展轉在危厄處百千億天婉轉足下見捷陟馬在於虛空乘負菩

薩嚴治塗路極好無限作寶欄楯若干品事
燒天名香捷陟本福忉利諸天圍旋太子在
邊天樂自娛俱夷勿愁安心忻然覩之不久
人中之上當成佛道諸天圍遶於夜所造皆
應道法今勿復悲百福威耀超絕群衆察是
歡喜不當懷憂夙夜七日歎其功勲不能究
竟尊人出時諸天供進不可盡極妃今利義
不可稱載曾奉事斯光顯至真聖於是移成
無極道念妃不久亦當復成人中之上王念
菩薩不捨心懷適欲請還念阿夷相之在家
為轉輪聖王七寶自然主四天下千子勇猛
若復出家學道必成正覺無上大聖以七覺

意寶訓化十方三界愚冥寤諸不覺必不肯還當遣侍衛供養護之普召大目諸明智衆卿等在家長子抱孫共相娛樂不念吾憂吾有一子竒相聖達無不超異居四天下一旦離別入名山谷絕無人處苦厄寒暑飢渴窮厄無能知者擇取卿等大目子弟五人追而侍之若中來還滅汝五族即奉王教入山求侍之菩薩遂進深入名山五人追之不能及逮心自念言是爲逸人行不擇路何道之有也若欲還歸必滅我種不如任此五人所止甘果美泉悉具滋茂樹木豐盛悉無所乏菩薩捨國威聖無限心自念言欲作沙門志

存寂靜威儀禮節遊行至山水邊定止天王
知心飛天奉刀來帝釋受髮則成沙門肉髻
在處不知菩薩嚴飾衣服第一顯現手執應
器思惟無念入羅闕祇欲行分衛容色光光
猶紫金耀巨身丈六相三十二萬民咸來觀
之面像目視無厭所行周旋衆隨逐之往古
以來未曾見聞如是聖達至真神人光耀普
照天人興念思其本末布施餽饋不知菩薩
不慕居家若干品業衆人唯察人中之尊與
天下異往告泚沙王天王忻慶今獲善利梵
天自下詣國分衛或復言曰是天帝釋或復
說是炎天王或言兜術天無憍樂天化自在

天王或復說是日月王維摩神王王聞是言
歡喜無量即遣使者觀於菩薩何所至湊無
供養者不得分衛即便出城使者追察坐山
水邊威神吉祥如紫金山使者尋還啓泚沙
曰坐山水邊時王聞之勅外嚴駕與諸群臣
詣山水邊遙見菩薩威神光光踰於日明尋
便下車恭恪義十稽首禮足觀菩薩形猶如
須弥結跏趺坐加敬歸命遜辭下意而與言
談王曰太子生多奇異形相炳著德踰乾坤
當王四天下為轉輪王四海顯顯莫神寶至
何棄天位自放山藪假令太子不樂本國願
以鄙邦貢上處焉訓誨黎庶各使得所五樂

自娛唯當納受不拒至懷菩薩荅曰吾久達此一切無常棄天地位無可慕樂是故出家行作沙門觀諸幼少皆歸老耄顏色損落面皺皮緩國土財寶一切如化情欲多難猶如雜毒墮入地獄餓鬼畜生智者所惡愚者所貪吾除貪欲如棄涕唾身如樹果不久則墮亦如浮雲須臾則滅微不覺之忽然已過有毀壞憂不得久安夫人樂欲以自燒身貪欲無厭若飲鹹水從致苦患愚人不解自以爲樂明智觀察欲如聚沫聖賢無漏唯樂法念充於智慧乃厭愛欲貪習俗者不見本際不了本淨王觀此身無有堅固所至到處常自

迷惑不能分別身無吾我棄捐百千玉女心
無所著不慕世榮第一思惟欲成佛道希有
好德如好色者唯有聖達視色如糞察道真實
雖有父母君子梵志長者居士及與妻息身
有重疾不能分取令無苦患國土位高金銀
七寶何益於己日照天下不益盲者吾觀三
界一切無常樂少苦多身非我有世間猶寄
難可久居吾見若茲是故出家而爲比丘不
慕世榮迦維衛者邦土第一轉輪王處也風
雨順時萬民滋茂最和安隱吾不慕樂捨家
爲道王曰善哉我得善利乃見至聖吾志於
俗不識至義國欲相請於無欲人假使得佛

唯見愍念以為法主當見度脫我遇十力宿
有餘慶得觀大聖投身自歸禮菩薩足右遶
三帀與群臣俱嚴駕還國

普曜經卷第四

鳴

呻吟

申上音

儻

力主反

駛

正使史

屈

一音通

電

疾呼

舉

也呼

輦

音

怖

塵埃

哀音

枚

去反

淚

上反

劇

奇逆

屈

反

電

下也

輦

正

怖

余音

懍

下也

其

去反

掘

地其也

劇

又反

溢

其以也

猗

一月物

屈

發

沉

上可

怖

梵

水也

一

音渠

身

也

鷹

上力

溢

反夷

猗

一月物

屈

發

沉

上可

怖

部黨

經誤

儻

也

堅

下字

純

音

湫

熟音

猗

於宜

沉

反

涎

似

津也

鷓鴣

上音

鷓

下音

精

正

警

景音

髮

下音

爪

之

觸

連

臚

正作
音音
讀樓
體
皮膚
下音
肥肉
上音
筋脉
二字
音音

二正
音音
方讀
樓體
皮膚
下音
肥肉
上音
筋脉
二字
音音

弟反
正作
也方
樓體
皮膚
下音
肥肉
上音
筋脉
二字
音音

一
反夷
作也
樓體
皮膚
下音
肥肉
上音
筋脉
二字
音音

吾反
今用
反夷
作也
樓體
皮膚
下音
肥肉
上音
筋脉
二字
音音

下音
客古
反夷
作也
樓體
皮膚
下音
肥肉
上音
筋脉
二字
音音

上音
古候
反夷
作也
樓體
皮膚
下音
肥肉
上音
筋脉
二字
音音

下音
知留
反夷
作也
樓體
皮膚
下音
肥肉
上音
筋脉
二字
音音

也也
止也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

也也
也也
也方
樓體
皮膚
下音
肥肉
上音
筋脉
二字
音音

